

Djiespie's Place ta celebra 35 Aña en grande hunto cu pueblo



Suzy, Setty y Pipi a tuma over y hunto nan a bin ta maneha Djiespie's te cu awe hunto cu nan primanan, Lucia y Diana.


Djiespie's fuera ta conoci pa nan pan cu hot-dog, juice di tamarijn, nan dushi pasteshi, y sin falta nan famoso ijcream di mispel, a haci e negoshi famoso pa grandi y chiquito. Djiespie's tabata habri for di 6 'or di mainta pa 6 'or di atardi.

HAPPY HOUR

Etty Toppenberg, amigo di famia Franken y den consulta cu en especial Setty a bin cu e briyante idea pa diabierna atardi, Etty Toppenberg bin cu su guitarra pa entretene e clientela. Hopi bon idea, pa cual Etty Toppenberg a pidi Toko Winklaar pa percura pa promociona e Happy Hour di tur diabierna atardi den su noticiero radial, cu a para bira te 8 pa 9 'or di anochi. Y asina e negoshi por a bende mas y recupera e parti economico, cu a cuminsa cai, debi na e.o. e tram, reconstruccion di Caya Betico Croes. Etty Toppenberg a cuminsa su so, pero poco-poco el a haya su amigonan musico cune, y a grupo a bira Etty y su Amigonan, y asina a cuminsa cu bailamento te 10 'or di aochi. Esaki tabata un atraccion unico di Djiespie's su Happy Hour, unda un cantidad di siguidor-nan di Etty Toppenberg, asisti pa su casa Corma, a bin ta percura p'e instrumentonan y set-up di e sistema pa tur diabierna atardi, cu a haci e Happy Hour aki algo unico te awe.

Maske hopi ta bisa e ta un Happy Hour pa nos grandinan so, no ta berdad. Hecho ta cu nos grandinan, nos adultonan mayor porfin a haya un sitio pa nan por bai y disfruta di bida, manera tabata deseo di Djiespie y Etty y su Amigonan.

Djiespie a bin fayece, pero Etty a bisa cu e lo sigui cu e Happy Hour te dia cu Todopoderoso tambe a yame den su Reino. Loke Etty tabata haci, a sali for di su curazon. Ta dificil pa termina loke nos adultonan mayor ta gusta y asina e yunan di Djiespie a sigui cu musica bailabel tur diabierna cu a haci Djiespie's mas famoso



ainda.

Dia 2 di augustus awor famia Franken a dicidi di conmemora e 35 añanan aki di Djiespie's, cu lo tey pa hopi aña mas, siguiendo cu nan legado crea di stima tur hende y pa sigui percura pa nan bon servicio cu Djiespie's a bira famoso p'e.

Djiespie's ta invita

henter pueblo, cu a sa di sostene nan tur e 35 añanan aki y pesey famia Franken tin un evento diabierna awor 2 di augustus di 7 'or te cu 11 'or di anochi, cu nan bandanan, **Nos cu Nos, Songo Music y Robert Maduro y su Azucar Band pa celebra loke a bira Happy Hour di tur diabierna na Djiespie's.**

ORANJESTAD (AAN): Tabata 35 aña pasa cu Aloysio Franken, mihor conoci como Djiespie a dicidi di tuma un reto nobo den su bida. E no a haci esaki sin consulta cu su famia, pa cual mester reconoce e dicho: "Tras di tur hombre exitoso, tin un muher para".

Pero Djiespie a consulta cu su señora Cecilia, pero tambe cu su cuña Rita, y hunto nan a tuma e decision di tuma over operacion di Refresqueria di Zepp Wever dia 31 di juli 1989.

Decision tabata pa tuma e operacion pa 10 aña so, pero cu awor, nan ta cumpliendo 35 aña den e lugar, cu a haya number di "Djiespie's". Djiespie's a para bira un negoshi di famia.

HISTORIA

Un poco di e historia, con awe e negoshi aki di Ref. di Zepp Wever a bira Djiespie's. Djiespie' tabata traha na Amigoe di Aruba cu tabata keda tegenover di Ref. Zepp Wever. Tur atardi ora

cu Djiespie caba cu trabao, e tabata bay serca Zepp y su yiu Chonay pa papia di kico a pasa durante dia. Y momento cu Zepp mester di yudanza, tabata Djiespie tabata yud'e e.o. pa bay busca un difunto etc.

Despues cu Zepp a fayece, su yiu, Chonay a laga sa cu e no por maneha e negoshi, mirando e trabao cu e tabatin y el a bisa Djiespie pa yud'e busca un persona pa tuma over Ref. di Zepp. Djiespie a dicidi di consulta cu su señora, Cecilia y tambe a consulta su cuña Rita y asina hunto a dicidi pa tuma e operacion pa 10 aña so.

Manera menciona anteriormente, tabata un dia 31 di juli na 1989, a haci e transaccion, net algun dia despues cu Djiespie su cumpleaños. Asina Djiespie, Rita, Lucia, y Cecilia, a cuminsa cu e negoshi "My Corner Take Away", cu te nomber oficial, pero e nomber comercial a bira "Djiespie's". A lo largo Djiespie a bira malo, cu a haci cu su yunan,